



Мэбета вадава" ила' панан' етри' мэква"!  
**НЯРЪЯНА**  
**НЭРМ**

ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД НУДИБЕРҢА

СИ" ИВ ЯЛЯХАНА НОПОЙ' СЕРТАБИВА"

Российская Федерация Ямало-Ненецкий автономный округ



№ 29 (5147)  
 2023 по'  
 июль иры'  
 22 яля  
 СУББОТА

Для записи на участие в мероприятии нужно обратиться:

- в организационно-партнерский проект, по месту проведения культурно-досуговых мероприятий
- в государственную организацию (социального обслуживания) по месту жительства

УЗНАЙ О МЕРОПРИЯТИИ И ЗАПИШИСЬ

НАДЕЖНАЯ ЗАЩИТА: Ваши персональные данные надежно защищены государством Российской Федерации

ПОДДЕРЖКА КАРТЫ «МОРОШКА»

Ямало-Ненецкий автономный округ  
**МОРОШКА**  
 это multifunctionальная карта, которая позволяет пользоваться различными услугами

КАК ПОДКЛЮЧИТЬ ЕДИНУЮ КАРТУ ЖИТЕЛЯ «МОРОШКА»?

Информация для пенсионеров

5

«Мараҥга»  
 ньядаҥу

# Сава ила' недам' тэводана

Неняҥу" иры' 17-21 яляха"на Ямал' тер не Нечей Сэротэтто Женева' нямна нэдалёрмы, Швейцариям' манэ"мы. Ехэрана яхана «XVI экспертной механизм ООН по правам коренных» сессия мимы.



Сидяҥу: Нечей Сэротэтто

Нечей Яр-Саляхад ҥа, нида таяҥы вымна мюсерҥа". Теда' Саляҥгардахана иле. Сяхаҥгав' Санкт-Петербургхана тохолко"махаданда таминда харта яханда товы. Таддикахад ихинанда пойда сертамда тюкохона ховы. Сита Центр освоения Арктикин' хамы". Тикэнда хавна ненэй вадам' минренаҥэ тара. Ямальской многопрофильной колледжхана тохолкода" ҥацекехэ"на манзара. Нули" пир"ҥада, хусувэхэт нерняри' ҥа. Тюку иры' нюртей" яляха"на «Коренные малочисленные народы России. Школа общественной дипломатии» тохолковахана

няхатата ва"лэйҥэ хаясь. Тохолковамда мале"махаданда сита ҥани ян' нэда идейдаць. Тарем' Альпа пэ хою" ян' тэвы".

Нечей няни интернетувна ҥаха"на нэда яхад лаханась:

- Мале сян яля тюкохона мядоҥава". Мань нюртей по" тальян' тэвы". Ёльце савов, ҥани я" тер" ненэцие" манэ"ҥадм'. Ханярид несэй вади намдорҥадм'. Нята" няха"ни вадини тэвор-

кава тэворҥа". Хуркари" тэнз" поҥгана вадам' мэ"ҥадамзэ. Нэрм' тер" ненэцие" вади" нямна лаханадамзэ. Мань тарем' тасламбив, вадахаданда паҥгдэда ненэця' невхы илам' нерня' минре. Ҧацекина" нюдя нэдахандо' вадан' тохоламбабана" сава". Хар"н не нюхунани ненэй вадавна лаханакобани, пыда вадамда теневаҥгуда. Теда' илаҥганана" ҥацеке" хуркари" едэй" ҥаво мэ"ҥа", таддикахад тикыдо' ҥани вадавна ҥа". Ҧадбьята харе" вадавна ҥэда мультитк, комикс, тамна ҥани ҥаво сертаба тара. Тарця серо минрени, проект ҥадимдембади ньядабабто' серо"ҥа.

Нечей' хавна Камчатка' тер Андрей Метелица таямна нэдалёрҥась. Тарем' илебей ненэциена" ҥани" ё"мана ядэрма ненэся тарана сер". Пыдо' тодо" тэнз" ненэцие" вато теневаҥу", таддикахад харто' яндо' тер ньядабаҥу".

## Нэрм' яна" нямна

Москвахана Ямална" нэвахана мэнава" Дмитрий Артюхов Дальний Восток' Арктика' серо нерня' минрена министр' Алексей Чекунов' лаханаконя"ҥась. Яханана" турта" мядонди" нямна тасалкурҥаханзэ".

Дмитрий Андреевич министр' ма"нисяв, Ямалханана" мале «Гектар в Арктике» программана 419 договор' сертавы". Мипада ядо' ненэця" иле мятамдо', ныланась ядамдо' мивандо', ҥавыдота ҥаваро вадабавандо' няю мипидо'. Яханана" 85 мирдаҥгурта" Россияна" Арктической зонахана резидентҥэ хэвы". Пыдо' 89 проект' минре", сиддо' няд"мыць 2110 хибяри" манзаядамдо' ховы". 28 миллиардм' тэвравы". Мирдаҥгуртина" ҥарка яна" тиҥгывна ҥадимдембада няд"ми мэць серодо' нерня' минрейдо'.

Тюку по' мат" иры' ямбан' округханана" 116,5 ненэця" мядо"мы". Небо' яланда сидя ю" ёнар" турмыць. Ям' сяма' нямна турта" ҥани' таяҥа". Ненэй-вана Пэ" хою" няю' ядэрмам' харвобта". Таҥга ядэрмандо' е"эмня хуркари тарана ҥавэ таяҥа' тэврамби". Ныланава' хардо сертаб", яхана" турта" тамна ҥокамда". Тарця мядонда" яна" ед' ҥани' ваць есям' ха"аврамби".

## Невхы паҥгадо' тенейдо'

Тюменской область' няна неняҥу" иры' 15 яляхана Курултайм' мэ"мы". Заводоуковской городской округхана Центральный хардахана ма"лэвы". Курултай – казах" ҥарка хэбидя яля. Тюменской областьхана илена" казах" тарця ялямдо' нюртей" мэ"мэдо'. Общиньто' тер" Россияна" сидя ю" пир" яхат товы". Маня" яхадана", хаби" яхад ядэрта" ҥани' таяҥы".

Ненадо мядондахаюдо' областьндо' нэвахана мэна ерв Александр Моор, Россияхана илена" казах" автономия' ерв Есенгалий Ибраев ҥэвэхэ'. Александр Моор ҥобт' ма"лэвэхэ" вадам' хэты: «Маня" областьханана" 150 тодо" тэнз" пир" ненэця" иле". Мал" ҥобанзер' илева", хар"на" яна" е"эмня манзарава". Тюкохона илена" мэ", ҥамгэхэртан' ниня" выдаҥгана", харто' ямдо' мэнена", иламдо' нерняри' минрена". Мята" мюй" ҥацекехэ"на пан"ҥая", нэда" хаҥгур", илара" сава ҥэя». Есенгалий Ибраев тарем' лаханавы: «Курултай минрена серта ҥарка. Маня" илна" саирм', невхы паҥгона" манэ"лабтамби. Таддикахад тодо тэнз ненэцие ҥобт' нятламби. Тад нерня' ҥоб" сававна нятхава"».

Нюрте"э мядоманзэ товы" «шашу» обрядм' мэне"мы". Не" судбьяко хидя' мюд хамбетки моёпавы". Тикы' пуд

индо' сер' ядэрмы", яля' ямбан' ныланавы". Манэ"манда ҥули" ҥока ҥэвы. Мядонди" е"эмня ярмаркам', концертм', пирдырми, сянакубц, юнохо"на нэдалёрмам' сертавы". Ҧаврато' тэнз, ембдародо' манэ"лабтавы". Харто' илесядо', юртыдо' мярвы". Хасава" таро"мы", саҥговота еси илабавы". Не", не ҥацеке" таравы", харто' вадавнандо' хыно"мы". Мяд' терха"на тарем' ядэрма ёльце индо' вато ҥэвы. Савари вади хэтыбавы": «Небянана"-нисянана" илм' тамна' тыха' ҥацекехэ"на" ваде"ҥава". Сяхари' пыдо' ҥани' маня" мэсына" нэдаб"нандо' серо"ҥа. Тикан' ҥули" енава"».



Сидяҥу: [https://t.me/av\\_moog\\_xanavy](https://t.me/av_moog_xanavy)

# Ямда торамдамби

Хэвы си"ив яляхана Тазовской районхана едэй ервадо' надимьясь. Виктор Югайм' џабтаць. Теда' минреванда ямда торамдаванда няю' тандая' таҗоця"амна җэдалёрмысь.

Виктор Климентьевич халядани" таҗоця"амна ядэрмысь. Хусувэй ёртя" 285-й километр, Надо-Марра, Саньков-Марра, Нямгудочи ё нули" сававна теневыдо'. Пыда халядани" мядо' тер лаханако ня"мысь. Ханзер" поҗгармамдо' намдавьясь. Паҗгадо' халясавэй" җэпто' җод", ненэциена" тасла я"амна серодо' җока" җэвыць. Ненэйвана иле хардасявамдо' ваде"мыць. Тандая' халядава' нямна едэй вато" җадимьяць, тикыд манзаяхандо' җани' вэнзер" ха"мава' сер' җа". Ханяҗы мяд' тер" җамгэхэрт иле хардадо' яңгу, тарана программахана җани' ни" ну".

Теда' хусувэй ненэцяҗгана лаханакурта", тарем' ялҗэ тоенана серодо' тидхалембаңгу". Мяд' тер" җамгэри тарця программан' пада пирап", падыбаңгудо'. Лахарёхонандо' лекар" манзаям' җани' тензибтедонзь. Ёртя" ма"ним" та' лекараха" тэвва



Сидяңг": [https://t.me/Ugai\\_VK](https://t.me/Ugai_VK) ханавы"

я"мадо'. Хаңгулаб", лекар" мят' тэвава' няю' җыхы ян' җэдалё тара. Та' ханева' паҗохона тарем' етри' җэдалёрць нидо' пирас".

Таддикахад Паюте"э' няю' җэдалэяць. Таняна нюрте"э халядани" сянакова' яляхана мэсь. Пон' манзарана ненэцие ненадумдавьясь. Тикы' хавна

җамгэ то"олха едэй харад" мимбавамдо' манэ"җась. Тадри' сидя едэй иле мядм' мимба ёльцеңгу". Лекар' мядм', иле хардо" җамгэ пиркана харад' мэмламбада паңг нултаңгу". Едэй ё" харад" җэбцяндаҗэ хамадамби".

Ѓоб" яля Виктор Климентьевич Паюте"э' вымна тирҗась.

Таняна мюсерти" җэсыхына мэвысь. Ты пэрти" ня' ханзер" тыто' нисермам', суюто'

лэтравам', нивам' ваде"мы". Тамна җэрёй' хабартава' нямна лаханакурмы". КФХ сертабавам' җани' тензибтевадо'. Ханзер" җани' я' вымна мюсерта" тарця җавэ" сертабавамдо' ваде"мы. Тарем' ненэця" харе" есядамдо'



некалпа пирта". Тюку илаңгана грант' еся", агростартап" ханярина мэйдо'. Падродо' сертаба сиддо' нядабаңгу".

Райондо' ерв тарця вади намдась. Ханяҗы тоенана тасла я"амна серодо' таминдо' тасламба пяңгудо'. Таҗоця"амна лекар" ненэцие манэсарманзь тадри' җэдалёрць пэңгуд".



## Тиртя җано' җамдолава

Мэтава" пона" сусава' ёльцянд' округханана" едэй тиртя җано" җамдолава" җадимда". Няхар" җэңгу - Ѓыд, Ерый яха, Шурышкары' няна җабтаңгу".

Едэй хардаханандо' хусувэй җамгэдо' таяңгу. Хадёй ненэця" таңга ядембада харад' мю' тюңга пиртадо', кассыдо' җани'

хардандо' мюня таяңгу". Таңга харад' тер" тиртя җанудо' җатеңгудо'.

Небо' «Развитие транспортной инфраструктуры» программан' няд"мяць Антипаютахана, җэдяңгана, Овгортхана, Горкахана, Питлярхана, Новой Портхана аэропортато' харад" җадимьяць.

## Сававна манзаравандо' е"эмня

Теда' ненэця' манзаямда минреванда няю' хуркари" няд"ми' еси җадимдемби". Тикы' няю' ханзер" пиванда серт' маниевамд падарт' проектнэ падабат серо"җа. Есям' ня"амбат таславы серкана мэць пиртыд.

Округханана" җод" ненадо җарка предприятийхарт" тарем' манзара". Тандаярка', Приуральской район' җэвахана

мэна Иван Сакал интернетвана юнм' падвьсь.

«Паюта» нубета предприятий' ты" җамзахат җавыдота җавар" сертабада комплекс округна" җэвахана мэнахад грант' еси ня"амвьсь. Җокханда 58380 еся җэвы. Тикадо' предприятияханандо' сававна манзаяндо' тидхалёва' няю' тавыдо'. Таңга, нись тоса" серодо' тидхалембавандо' е"эмня ненэцяңг" мипадидо'.

## Җавыдота җавар"

Москвахана неняңг" иры' нюртей яля' пиркана «Вкусы России» нубета фестиваль миҗась. Таняна Саляңгардахана җэда халя' комбинат, «Ямальские олени» МП, «Орион» артель җадимдембада җавыдота җаварадо' манэ"лабтамбиць.

Самляңг пир" тонна халям' мирда"мыць, ты" җамза", мал' җэпто' Ямалханана" җадимдевы" җэвы". Тарця ненадо серкана Россияна" тиңгы яхат җокханда 330 хуркари" ехэрана" компания" җавар" җадимдембада" товыць.

Тарем' хусувэй хибяри харе" сертабадида тэврамбабата җани' яхана илена тэмдорманда ненэцядамда хомби.

2021 похона тикы' фестивальхана Ямална" тер" призёрнэ хаяць. Ты" җамзахат сертавы" җавар" нюртей ян' ха"амвыдаць. Саляңгардахана җадимдембада халэ" банкы җобтики' ненадумдавдонзь.

Тамна' тяхакуна Саляңгардыхы халя' комбинатва", ЮАР, Бразилия, Малайзия, Финляндия мирдаңгурць теневана" турмыць.

# Лекар'' нэдалёрна''

Маңгыт'' иры' пиркана вымна тиртя нанохона лекар'' ненэцие яңгабаванзь тилсетид''. Тарем' пыдо' поса' хабцяңгад яңгана''. Хахаяда яля Приуральской районхы лекар'' мякана манзарана'' пэ'' тэлха'' нэдалэйдаць. Ыоб'' таниямна ядэрмы нява'' - Лидия Марюй. Аксаркахад нэда лекар не. Нэдалёро''мита нямна тарем' лаханась.

Манзаява'' няхар'' си''ив ялян' тармы. Си''ив яля' пудана няхар'' ныланава' яляхана нэдалёрнава''. Нюртей ядэрнаваць. Яля' ямбан' нэдалёрнаваць, сидя юд мян' мят' нултаңгаваць. Ыоб'' яля самляңг юд мян' ненэциам' яңгава''. Ханяңы'' ни'' харва'', ма''-

ним'' хар''на'' хардан' тоб''нана'' пардондава'' нэбтаңгува''. Теда' нэбтабато' нэмгэри тарцяңдо' хадкэб'', тикаривна ханя' ханда'', тосавандо' е''эмня пардон ни'' нэбтамбю''. Ненэця'' падро падыби''. Пуна ненсяри хардан' тоб''нандо' харто' лекар'' мят' ядэрта''. Тарабата тамна тивак'' хабцяңгад пардон нэбтамбиваць. Тарця пардонхавад пуны' ниць нэ'', таравамда ёльце сававна хамадамбидо'. Харто' нод'' ненэциена'' сэнзито' мюй''

хабцяңзьява' нямна етри' няркана'', тарабата сяхаңгарт' пуны' ни'' нэ''. Маня'' укол нэбтамбадаңэ хавнана'' нэцекеы'' лекар' нянана'' ядэрнась. Нява'' нэ''лёко нэцекеы'' кашад, тарана пардон ядэлась. Хаңгурта'' танияб'', ма''нэ''сарьядась.

Нянана'' ты'' лекар' нэдалёрнась. Пыда вэн яңгабись. Малкось вэнеко'' нани' хуркари хабцяңодо' тания пир''надо'. Хаңгурта вэнекор' ненэциам' нани' хаңгулабтаңгуда, нядандо' палаңгана хабцяңодо' тания''.

Пэ'' тэлхана ханзо. Ты пэртя'' нули'' таңга''. Тикы' нерцюна тамна хад нэвы. Тандая'' тыдо' нобт' малпорна'', ханяңы' яхана хадырць тэри лехэбты''.

М.Яр' падвы



## Падродо' ма''ламба пя''

Ямална'' тиңгэвна мале сян тохолкулава'' я'' тания''. Теда' мале манзая' няю' тохолкованди нэте''. Школам' ёльцевы'' нэцекеы'' падродо' Саляңгард, Новой Уренгой, Надым, Тарко-Сале, Ноябрьск, Муравленко, Губкинский колледжха'' миць пирьядо'.

Тюку по' тания' нокханда 2126 ненэциам' тохолкованзь ханаван'

харва''. Тикэхэт Ямальской многопрофильной колледжан' 594 нэцекеым' ня''маңгу''. Новой Уренгой' колледжан' 359 ненэциам' ханаңгу''. Тохолкованда падрода харта приёмной комиссиян' тэвра, таддикахад Ямал' тохолкова серо минрена порталхана, тамна Госуслуги' сер' нэдара пирьяда. Яля' тохолкованда'' пилю'' иры' 15 яля' нэсонд' падродо' мипто'

серо''на. Ханяңыдо' нэмгэхэв тарця манзаям' тэраб''нандо', теневабодо' манэ''лабтабто' тараңгу. Нэдьбята пыдо' сиддо' пилю'' иры' 10 яля' нэсонд' нэтеңгу''.

Нэцекейей'', тохолкова ёльце тарана сер'', илм' нензеламдамби. Падрода'' ма''лада'', таддикахад тэравы серта'' минре варемда'' мэ''нада''.

## Нани' сюрбертава''

Сенз нэва' е''эмня пыхыдм' ныхыта ненэцие сертаба тара. Ыокавна ядэрты'', сюрберманзь няби залан' ханты''. Ненэць' ханзер'' харва, тарем' нэсь пир''нада. Харвабта нэмгэхэв пирдырман' хэя. Тарця'' нули'' нэка''. Ыопой - «Полярный круг» сюрберма. Похо'' Саляңгардахана сертабасетыдо'. Тюку по' тетимдей нэванда.

Небо' сюррамбавы ёльце нэкась. Ямална'' сёбар'' тоць. Ыокаюм' пелядо' марад' тэраць. Теда' нани'

яна'' ханярид ненэцие ма''ламби''. Вэба' иры' 3 яляхана ма''лёдава''. Хибя харвана танияб'', нобтарем' пирдырман' пыхыдамда пада пир''нада. Тикы' е''эмня <https://russiarunning.com> сидна'' туюсь табамдамби''. Ханяңы'' 500 метр' пирт' сюррамбаңгу'', нани'' 3, 10, 21.1 километран'. Хибя сямбирм' тэра, та' хунат' сюррамбаңгу''.

Хусувэй харвана тось пиртада, харвабта, няхар'' пота нэцекеы' нэя. Ыопой'', хабцяся тараңгу, лекар'' падарм' тэвра, 500-2000 есям' салда серота. Нюртей''

ян' ха''амвы'' нуда' тернэ еси ня''маңгу''. Сямянхат мерета юр'' ёнарм' ня''ма пирта. Культура' няби спорт' центр «Геолог» хэвхана ма''лёдава''. Пуна Матросов' ядэлававна, Объезднойвана, проспект Молодёжи' ядувна, «Парк Победы» хэвувна нертеңгодава''.

Нани'' пота тотрев' сюрберма-хана ма''лавы'' есядо' «Ямине» фондан' митыдо'. Тарем' хаңгурта нэцекеы' нядабаңгу''. 2022 похона 360 ёнарм' ма''лавыць.

А.Яптикы' падвы''

## Ниди' ядабтаңаханзь

Округна'' нэвахана мэна ервава'' Дмитрий Артюхов хэвы си''ив яляхана Россияна'' правительства' председатель' марцьхым' Дмитрий Чернышенко' лаханако ня''нась. Ервава'' ханзер'' Ямалханана'' сёбар'' ненэцие'' илам' нерня' минрева' няю' проект'' манзарвам' ваде''нась.

Пыди' «Спорт - норма жизни» няби «Туризм и развитие гостеприимства», наука' серо'' нямна лаханакурмэхэ''. Дмитрий Андреевич ма''нисяв, яханана'' сёбар'' илам' сибёңэ сертаван' харвава''. Нэсоңодо' вэн''ман' харвана ненэця' таславы лохон' сяхари' ядэрць пирпата тара. Ямалхана сёбар'' помнандо' нэбкана сянэковандо' е''эмня хуркари пирдырми нэдимдембива''. Ненэйвана нэцекеына'' тамна' тяха' пыхыдадо' сававна мэйрамбавандо' няю' хуркари яха'', сборха'' нэдарамбина''. Тарем' нэдалёрта'' есям' ни'' салдамбю''. Россияна'' тиңгэвна пирдырма'' нэва' ёльцяңгана етри' нэдарамбина''.

Яханана'' пудана няхар'' по' ямбан' 42 сёбар'' лохо мивы''. Тетю'' тегамдо' 2025 по' нэсонд' мимба ёльцеңгудо'. Тюкохона «Северный характер» нубета проектам' нэдьмяць самляңг центрам' нэць. Тадри' тамна 11 манзаралтыд''. Ямална'' тер'' нули'' сававна ГТО норма мипи''. Тикы' нямна Россияна'' тиңгэвна няхаромдэйва''.

Россияна'' правительства' председатель' марцьхы Дмитрий Чернышенко сёбар'' ненэцие'' е''эмня минрена манзаям' саву''надасть. Ма''нисяв, Ямалхананда'' Россияна'' тиңгэхэ'' тасла сёбарна'' ненэся нэкама''. Е''эмняндо' сертабада'' хуркари'' тарана'' хардана'' таниявам' нани' саванэ хэтадась.

Тикы' хавна округхана'' турта'' мядонди'' нямна лэхарёди' хаясь. Ямална'' нэвахана мэна ма''нисяв, тона ненэцяңгана манэ''манда нэка. Пэ'' хой'', нэрм' тер'' ила' саир'' - туртахана мал' мэкад'' нэңгу''. Таддикахад «Ингилор» няна манэ''манда'' тания''. Яхана'' пон' нэдалё ни тара'', сидямбой час' хэ''мяхад мале Саляңгардан' нултаңгур.

Нэрм' яханана'' наука' серо' ханзер'' минревам', манзаравам' нани' тензибтевыди'. «Снежинкам» нубета станция' манзаям' нани' ваде''мэди''.

Я. Марюй' падвы''

# «Тыдэ җохона» ныланавы»

Неняҗг" иры' 8 яляхана Шурышкарской район' няна җацеки" «Кедровый остров» экспедиция" ма"льць. Ханты-Мужи хардан' сидя ю" тет тохолкода" ныланаванзь товыць, хаби" ила' саирм', хаби" вадам' тохоламбиць, сянакуць.

«Живун» парк-музей' манзя мима' е"эмня җацеки ма"ламба идевид". Тикиндо' ирмня хаби" илм' манэ" лабтамбаван' харвавы". 2013 похона нюртей" тохолкодидо' ма"лавы". Тамальҗгана яландо' матадо' җэвы. Теда' мале юкад вата самляҗг по' минредо'. Хусувэхэт пэртадо' савумдана. Тохоломбавыдо' вадёдана". 2023 помдо' җобтарем' пирувнанда не-сэйвана мэ"мыдо'.

Ҙацекидо' ю" яля' ямбан' ненэй мяка"на илывид". Хубтахана юрк"махадандо' пин' санаҗгавы", пэвсюмнярина хонаванзь турмы". Ялэхэ" тыдэ, хады маниевы". Пайдыдо' хаерт' юдабавы". Ҙайдо' сарём' хомбавы". Ханяҗэхэ"на пэдара' помна ядэрмы". Ҙанихы"на едандо' терад' ня"муванзь хан"мы". Хасава җацеки" мирць тоходанвы", пяхад хар' нирм' мимбавы", тобъёвам' ерпа хорпавы", ханева' нямна лаханакowy". «Живун» парк-музейхана манзарана няндо' есҗо, яҗго ханзер" мярабавам' манэ"лабтавы. Не җацеки" имбытадо паркыбавы", нойни, җодяко паҗгалшавы", тэхэд хуркари җаво сертаба хорпавы". Сиддо' падтаҗго, хаби" тарабцо, сё мэць тохоламбавы".

## Ныланавандо' нядандо' пере

Ныланавамдо' җацекехэна манзаравы" саваҗэ сертабавыдо'. Ҙобто' хаби" вадам' пэрта - Алексей Конев. Ҙацеки тохоламбади" серо нерня' пэрмы, сянакова җадимдембадаҗэ таравы.

- Хусувэй по' 30 ныланана" турҗа". Яҗгасиддо' тохоламбадидо'



Сидяҗг": muj-museum.ru ханавы

таня". Мань ненадовна җацеки хаби" вадан' тохоламбин. Хусувэна" харта хаби нюмда тания. Хибяхав тёняком', җани варкам' нюбе"җа. Экспедициям' сертабадаҗэ мал' хар"на" илма"

теневава", вадавнана" лаханавы". Ҙадьбята тохоламбадина" җани тарем' табадамбина". Хаер" нумгана пыдо' ненэй" мяка"на иле". Вэва нум' җэб"нанда сыра мэ-та хардакохо"на" илелаҗга". Тя-

бихутвахад җоб" ехэрава". Сё мэ"җа", тара", харто' паныдо' сераби". Манзаранина" 18 поход нюдярка" мале сянва". Пирхато' харбё" ненэ-ця", серм' минреван' харван". Тадтаҗгуртава" сидяҗгадана" тадтамби, сямян пэртава" интернетувна манэ"лабтамби. - Алексей лахана.

Тарця" ныланавы" вадёданана" җацекехэ"на ёльце" тара". Ҙэрм' тер" ила' нямна теневаҗг"ним. Таддикахад теда' хардахана сиддо' хуркари" едэй" җамгэ" лаво"ламби". Экспедицияхана җадя җэвдо' сибиворҗа". Та' ямбан' мяканандо' мэна", ханяхарт' ниня" җэдалёрта" җани' тания". Ҙадьбята «Тыдэ җон» ядэрмадо' сава, җотаҗод" тамдо' ханзоць мэ"җадо'. Тамдо' сававна мэ"җадо', хусувэй ялядо' ханзоць хан"җа. Сидто' тотрев' маймба иле таранив"!

## Сёдо' сиддо' сахамламби

Ямалханана" юнета ненэцява" тьянэ ни җа". Хуркари" пэдава", ва"лэй" мяд' тер" тания". Яна" тер" җамгэхэв пирдырмахана нерня' ерембато' маня" җули" маймбасетыва". Тандая' ёльце сава юн явнана" ядэрць пэяць. Нядаҗгардахана илена җопой мяд' тер", Кукушкин еркарм' мэта" сё мэти" поҗгана Гран-прим' ханавыць.

Ядембада я' няна, Анапа хардахана конкурс-фестивальха'

«Полифония сердец. Под парусом творчества» няби «Море. Вдохновение. Театр» җэвэхэнзь. Танияна сётэй" җарка ненэця", җацеки", илебей ненэця", подо җоб"җарас" помнандо' пирдырмыць. Париденя яв' хэвхана җэда хардан' юкад вата тетимдей-самлянзимдей по" ма"люрмы". Маня" яхадана" ядэрта" җули" варемдо' мэ"мы", пир"маханандо' Ямалва" нерня' мэвы".

Анна няби Константин Кукушкинха' етри' сём' мэце-

тыхы', мэнена серти' тяхари' минреди'. Харты' хыно"манди' хавна хыноць няхар" не нюмди' тохоламбихи'. Маркана җэда" концертха"на, Россия' тиҗгэвна минда" пирдырмаха"на сяхари' пыхыдадо' манэ"лабтамбасеты". Ҙоб" сямянхат ва"лэйвана сёдо' хайнасеты, җуда' терси" сяхаҗгарт' нисеты" ханас". Теда' җод" пыдо' мядонзэй ня"амвы". Ҙобкана сём' мэ"маханандо' «Экстрадний вокал – ансамбли» номинацияхана Гран-прим'

некалмы". Тамарам' нюбета не нюди' няхар" яҗорэй" нюртей ян' ха"амвы". Нисядо' җобтарем' нюртей җэвы. Таддикахад «Мараҗга» ансамбльдо' «Эстрадний вокал» сём' мэ"махана нябимдей җэвы. «Мараҗгахана» хынотаҗэ Ульяна Нядонги, Виктория Салиндер, Тамара Кукушкина таравы". Виктория харе" сём' мэпта няхаромдэян' еремы.

Тюку харбё мяд' терха" сава вади җэдарамамбыва", нёя" хаҗгур", сёдо' етри' сиддо' сахамламбая.

# Їобкана нерняри' яда"



Сидянт: Ю. Талеева' таптавы

дворецхана 11 мяд' тер" ма"лэйдаць, ъокадо' маркад ъэда", Красноярской ъэсыхыд товы" танияць. Поъганандо' Майя няби Пётр Лаптандерха' ма"ъахань.

Нерде округна" ерв' ъуда' ъылы, Александр Дударов вадам' минресь, ма"нисяв:

– Њыдара" ъобкана яда, нида" нядаба, сахарамбаямб илм' мадавэда". Њюда", ъюта" ъювадавэда", ханя" ъюда" ъюто' ъю

мание". Ханзер" илм' минре, ням' нядаба, хусувэй серкана нерня' минзь таравам' харе" илаъгананда" манэ"лабтамбира". Тад нерня' ъоб" пон' сававна иледа".

Тики яляхана ъюртей медальм' «За любовь и верность» Майя Петровна, Пётр Егорович ня" амъахань. Пыди' тюнямди 1981 похона мэ"ъадинь. Њобкана тет ю" няхаромдэй по' мэевна Красноярская илеъаха. Петр Егорович илеванда ямбан' «Харп» колхозхана манзарась. Пудана

сян по нылана. Пыда харта сава нядаъгода, ида пили" мята тер" нямна нярканасеты. Ямда тенева" нанэця', ханена, ёрма' серм' харвобтана.

– Мань паъгани" ъарка яхад миъа", Чёрной ъюбета ъэсыкоцяхана яв' вархана вадыдамзь, тикаха Красноярской илевандь тэываваць. «Харп» колхозхана хуркари" манзаяха" на мэсетыдм'. Та' мальъгана ъуво маторпадаъ тарасетыдм'. Танияна Майями сэвтедамзь, ъацембой некоця ихини мэевна тебась, – невхы по ихинда ха"аврась Петр Егорович мась. – Тарем' мале 42 по" ямбан' илени'. Њюни' тюку яхана сояць, мал" вады", харто' мяд' терсавэй". Нара' ебцотами школамда ёльцесь, нерня' университетан' тохолковань едты. Маня" ъобкана ъюдякова" нядабаъгува".

Майя Петровна ъобтарем' илеванда ямбан' «Харпхана» манзаравы. Њудиди мэта не, мел"мана сэдорана, хусувэй серо тенева"на.

– Мань хойхана соявэдем', хойхана вадёвэдем'. Теда' хардахана иледм'. Небями сэдора си"ми тохолавы, ъобкана ъока ъамгэм' сэданинзь. Харта ъамгэм' тенева, тикан' си"ми табатамбасеты. Сэды па-

нэмда тенад' лэтамбив. Вадёван' сер" Красноярская сэдорана" не" понд' еремядамзь, тарем' сэдоралава' мякана пили" манзарадамзь. Тиками ивнани ъэсеты, харвабтавась. Хаъгулавани сер' хаевась, – ямамбовна лаханась Майя Петровна' вадамда ханада. – Сенз ъэб"нани тамна сэдораъгудамзь. Небяни тохолавы манзаями етри' минрев. Илаъгана тарана сер".

Майя Петровна, Пётр Михайлович тет ъюмди' вадавэхэ'. Тамна си"ив по" ямбан' няхар" евако ъацекым' пэръахань. Тюку яля' пыди' ябдана ири хадаха', ъюти' ъю пэртаха'. Мяд' терсавэй" ъобкана ма"лэбнандо' ихинанди' маймбасетыхы'. Њобкана хоян' тэворцеты", та' ъодимань, мараъгымань, тудакумань ханцеты".

Хуркари" серка"на ъарка мяд' тер" ъобкана мэсеты". Нидо' нядаба нерняри' миъа".

Юлия Талеева' пады

Неняъг" ирий' 8 толыркана Россияханана" мале сян' по" ямбан' ъарка ялям' мэ"ъава", мяд' тер" мэнева', лэтрава' е"эмнятаславы. Њавнанда тарця яля' паъгада ъахы" похот миъа. Маня" округханана" пудана" похо"на" мяд' тер ъобкана ма"ламбасетыдо'. Хибя тет юкад вата" по" ямбан' хынёси" иле", ъюдо' сава хибяриъэ вадавы", няндо' медаль мипсеты".

Тюку по' ъод" Ненэцие" округхана ъокханда 53 мяд' тер" медаль ня"маць. Наръяна маркана ъарка



Сидянт: М.Яр' таптавы

Сидянт: М.Яр' таптавы

## «Мараъга» нядаъгу

Ямал' юн

Ямална" ъэвана мэна ерв' марцьхы Ирина Новосёлова «Морошка» карта нямна лаханась. Ма"нисяв, тарця ъамгэм' яна" тер" ёльце саву"ъадо'.

«Единая карта жителя Ямала» няд"мяць ненэця" хуркари' няд"ми ня"марпа пир"ъа: мяд' манзай пэрць нядаъгова, пыхыдм' савумдамбава, юрист" нядаъгова, соцтаксихина ядэрма, тамна ъани" сер". Мале сидя ёнар" пир" ъэрм' терм' тарем' нядабавы".

Толангулвахана, сёбар" мякана манэ"лабтамбаб" ъани' серо"ъа. 1,2 ёнар" пир" пенсияха-

намэна" «Ямальское долголетие» программам' няд"мяць хуркари" тохолковаха", секцияха", кон-

цертха" си"ивхана мирци" сидя ядэръа". Пона" хэва' ъэсонд' хусувэй яханана" социальной проездной" ъадимда".

Ямалва" тади-кахад электронной сертификат сертаба пясь. Проектхад Ozon, «Пятёрочка» лабка", тамна мат" мирдаъгурта" пере". Тарцям' мэць 500 мяд' тер" хор"мэдо', ъацекыто' ъамгэрид тэмдавы".

Тад нерня' «Морошкадо"» тамна ханьярина мэтаъ хан-

да. Округна" серо минрена" няби мирдаъгурта", яна" терха"на тикым' няд"мяць манзаидо' минреъгу". Хуркари' хонаркова сертабаъгу", тарана юн вадета".

Неняъг" ирыхэна ъамгэри, ъавар мирдабада" предприятия" тэмдарамбадидо' мирцярка картасавэй ненэцяъг" мирдапа пирьъадо'. Њопой" нянандо' «Морошка» ня' ъопой недам' недалць тара, есям' салдамба тикы' няю' ни тара". Тюку <https://ek.yanao.ru/> сайтан' няби «Единая карта жителя Ямала» приложения' тюъгада".

А.Яптикы' пады

Для записи на участие в мероприятии нужно обратиться:

- в организацию-партнера проекта, по месту проведения культурно-досуговых мероприятий
- в государственную организацию (социального обслуживания) по месту жительства

УЗНАЙ О МЕРОПРИЯТИИ И ЗАПИШИСЬ

НАДЕЖНАЯ ЗАЩИТА:

Ваши персональные данные надежно защищены государством Российской Федерации

ПОДДЕРЖКА КАРТЫ «МОРОШКА»

Губернатор Ямало-Ненецкий автономный округ

НСПК

ДТИС Ямал

ДСЭН Ямал

КАК ПОДКЛЮЧИТЬ ЕДИНУЮ КАРТУ ЖИТЕЛЯ «МОРОШКА»?

Через сайт [ek.yanao.ru](http://ek.yanao.ru)

Через мобильное приложение «Единая карта жителя»

Информация для пенсионеров

Ямало-Ненецкий автономный округ

**МОРОШКА**

это многофункциональная карта, которая позволяет воспользоваться разнообразными услугами



## Ѓадка фестивалъ Гран-при няамна

Шушенское нимита калгыхина ѓадка международный «Мир Сибири» мѣаш». Чет' дялѣ дямпан шеѣв дю» шеѣв дѣнал' кат ва'та хамплѣнк дюл' неша» фестивалѣн ѓомаш». Ѓука тѣмс неша», шанат дяхат мѣна», конкурсан тоѓаш». Манѣя» Пуровский районхатна Таисѣя Музыкантова фестивалъхана канѓаш. Таисѣя Аппавна хайтудани», калитѣн ѓутаханатѣн ѓамыдио» шедтапѣчи» поѓкна мянадыш». Номинацихина «Современное декоративное прикладное творчество» шедтамайта ѓамыкута» ѓычимчеѣаш. Мянадычи» поѓкна Таисѣя Аппавна фестивалъ ѓадка мячисым' - Гран-при няамна.

Таѓок нешаң тѣмс» поѓкна мянадыма неѣшад ниѓа. Кулкади» пимшата» фестивалъхана тадыамѣмай». Наланѣяна манде чики конкурс' чѣпѣаш, недычѣѣй шича дѣнал' ѓок шанат» тѣмс» неша» чикѣхана мянадыш». Чикидио» поѓкат шича'дыѓкня мянадытыди» фестивалъ финалан тѣвдыташ».



Фестивалъхана Таисѣя Музыкантова дилмта вачамамта, куше мякнанта ѓайваш мансдамамта таттамата видео-

ролик ѓычимчеѣаш. Калдыта хятмайта медь паны», пѣма», ѓай ѓыди нянанта конкурсан пѣмыта ѓамыкута» ѓычимчеѣаш. Шедтамайта» ѓамыкута» манысадмы» манышту»: «Хятмайта» паныдѣта», пѣмита», паткута» дѣдыше медѣят»». Конкурсхана дѣтѣдыш шита не» нюхудѣта» Анна, Любовь нятапихинѣш». Фестивалъхана мѣмантуѓ

дыампан пычи» пон немянѣч' кѣв-хана мѣѓаханѣш'. Таисѣя Аппавна тамна нюча'ѓѣ хайтудаш тохомы». ѓамыди ѓамым' хятпѣпта дѣдыше медь-мана шедташтуга.

Таисѣя Аппавна дилта дямпан мансдамы. Вѣконта Иосиф Леонидович няѓ «Верхне-Пуровский» совхозхана ты» падыдыш мансдаѓаханѣш'. Чикиѓ камна Таисѣя Аппавна хома калитанѣѣ, каньдынаѓѣ путахана камаштуш. Куптаѓ, хомана мансдаманта дѣѣмня кулкади» патдота» ведѣу» мимы» тады», пыта ветеран' Ямала. Чѣтаѓ вѣкуѓ няѓ нич' пѣнѣш пон выѓкай мякач' кѣштухуѓ'. Ничи», нич' нюуди» кулкади» ѓамыдио» шедтапѣшь тоходаштуч'. Нич' чупей медѣят», кулкади» ѓамыдио» шедташту».

Таисѣя Музыкантова танѣше мянадыш недычѣѣй нѣхѣлмата ниѓа. Чуки фестивалъ недыня мята чѣл' няш шанат мянадыш мѣта» конкурсхана нѣхѣлѣштуш.

Лариса Айвасѣдо  
патмы

Татма: Л. Айвасѣдо таттамы

## Ѓодѣяхана есям' нѣкалта»

**Теда' нумда ядымбада' няю' сюрхалѣй». Яляна» сѣв ѓады парана. Саѓѣ ѓатенина», ѓодина», харвабта, ѓани' мертѣвна вадѣдана пѣнакыд». Маси», ирына» пудана» яляха»на тѣдрѣв' варанѓѣ пѣѓгуна». Хибѣяхав сыра' ѓорманда ѓодѣядамда ма'ламбанѓу. ѓани мирда»мандадамда. Тамна хибѣяхав тѣри тѣмдыорта.**

Тава» малѣ ямб ѓѣсѣты. ѓадыбѣята та' ямбан есядамдо' недыво»ман' харвана» ѓодинаѓѣ пир'ѓадо'. Тѣюку илаѓгана хусувѣй ѓамгѣ мирда»ма, тѣмдыава' пир. Таддыкахад тамна яѓга тарѓѣ манѓзаям' минрѣна» тания». Яр-Салѣяхана ООО «Емѓѣдей» тохолкода ѓаѓѣкы, манѓзаясыда ненѣѓѣѣ ѓоди ма'ламбуванѓѣ хаѓа. Мараѓга» ѓадыма' нерѓѣю» ѓодинадыдамдо' пурѓа».

Тандѣя' ѓобтарѣм' юнм' ѓѣдараѓѣ. Тикахана манѓзарана Елена Лаптанѣдер ма'нисѣв: «Ѓодимандина» теда' янамбовна падыродо' тѣвола». Паспорт, снилс, ИНН тара». 18 подандо' хѣвдыавѣй неѣянато'-нисѣянато' ѓѣдарамарихид ханабина». Мараѓга» ѓадымгаваб», неняѓѓѣ иры' 15 яляхана малко пѣѓгуна». ѓодѣям' небой походана» ѓокавна ма'ла тасламбыва». ѓадыбѣята хибѣя манѓзараван' харва, мал' турѓѣя». Нѣнадывна студѣнт ѓѣтева». Манѓзара»ма есяха»нато'



Сидѣѓѣ: М.Яр' таттамы

пуна билетато' мире салдыамба пирта». Сѣян ѓодѣям' тѣвѣра» недыбѣядо' таѓок ѓѣѓѓу. Тарѣм' ерѣмбата, ханѣѓѣ ненѣѓѣѣна» Порѓѣ яха' ня' ѓѣдараван' харвѣйна». Пыдо' танияна палатка» мѣюня, мяка»на илеѓѓу». ѓаврадыандо', хидѣядыандо', едадыамдо' митава». ѓодѣя» сусава' ѓѣсонд' манѓзараѓѣгува»».

Хонраванданда» танияб», тѣюку телефонувна +7(919)550-60-11 лаханадыа». Тѣюку пова» сава ѓѣѣя, едана» ѓодѣяха»на мал' пан'ѓѣя».

## Мѣяканда то

**Ява» лѣтамбады» поѓгана ѓѣрм' тер» ненѣѓѣѣна» ѓани' мѣ». ѓѣрѣ' няна малѣ ѓока нява» танияна хаясь. ѓарка» маркат, нюдыяко» хардыахат хѣна» танияѓѣ. Тикы» нита поѓгана вѣба' ирыхына Панаѣвск' тер ненѣѓѣ' ямда лѣтрамбуванѓѣ ѓани' хѣвы.**

Александр Тусида по' ѓокаюм' пѣля танияна мѣ»махадыанда теда' мѣяканда ныланаванѓѣ товы. Тандѣя' неняѓѓѣ иры' 8 яляхана харта хардыахана тѣвыѓѣ. Ту ѓано нулаѓгаван' Панаѣвск тер», мята тер», тѣневана» нида мал' ма'лѣвыѓѣ. ѓаѓѣкы», ѓарка ненѣѓѣя» няндыо' мѣяканда ныланаванѓѣ тован' ѓули» майвыд'. Пыдо' сайнорма' няна мѣвы ненѣѓѣѣнд' сѣмян сава вадѣ хѣтвы». Александр пон' нивы манѣпавы нида манѣта, лаханако нята.

Пыдыа' хавнанда ѓани» товы» ѓани' тания». Тарѣм' Салѣѓгардан' тамна няхар» ненѣѓѣя» тоѓѣ. Сиддо' манѣ»манѓѣ марад' ѓѣвахана мѣна, марад' тер» хан'ѓаѓѣ.

# Нюдя Харё' тэта

(Сюдбабц)

Вада-сюдбабц  
Мерцяконда сер"  
Я' хоё" нимня  
Пыда пуларыню".  
Неранда няна  
Ям' нярхалй".  
Тарем' маниеб",  
Ѓоб" џарка яха  
Ямд џадаравэ,  
Ѓари тикарида  
Пауграха сотэ,  
Сотэ џэривы.  
Сотэ' тюнд ниня  
Няхар" џарка мя",  
Яля' няю'  
Тэре ялена".  
Няхар" џарка мядо'  
Сидя няю'  
Си"ив' юр" мя".  
Вада-сюдбабц  
Тарем' хоб"нанда,  
Няхар" тэта Харё"  
Мяд" џэугодавэ".  
Ты" илебцяндо'  
Луца ю" ёнар".  
Сэв' џадьян  
Саюм' џадараб",  
Луца ю" ёнар"  
Яв' сядо"мана  
Тахараривы",  
Яв' сяд ний  
Тэре лынсара".  
Вада-сюдбабц  
Ѓарка мядо' ня  
Пыда пуларэй".  
Ѓоб" џарка мяд'  
Сарван' пэбтэй".  
Мякы мякна  
Ѓарка тэта Харё

Пухуцянда ня  
Сидя нюмди' няць  
Таня илевэхэ'.  
Ѓарка' Харё' пуху,  
Ѓэб"нанда џод",  
Таи" џэвы.  
Тикы мяд мюйм'  
Вада-сюдбабц  
Тэре манэ"џада.  
Тёняны мят  
Пыда пуларэй".  
Ёнэ' Харё' мя  
Тикы џэривы.  
Мякы мякана  
Няхали ненэць'.  
Ёнэ' Харё' пуху  
Не' Хороли.  
Сидям' потокоця  
Нюди' сянакурџа.  
Вада-сюдбабц  
Няхаромде мят  
Пыда пула"ни"им".  
Тарем' сырпата,  
Ѓоб" пухуцяко  
Ва"ав' малхана  
Пыда сэдора.  
Ва"ва' сава ерня  
Ѓоб"лери хонёда.  
Мэта тоуґавамда  
Тато' повавэдо'.  
Хад' џэб"нанда  
Наны џэдакы.  
Тикари яляхав  
Нинякы џа",  
Сидя Харё' тэта  
Папаконди' мят  
Пыди' ти тю" -џаха".  
Небяди' пухуця

Едм' ханя пире.  
Тарем' мэ"нахандо'  
Нюдя тэта Харё'  
Макода сарван'  
Ѓудида вэнџа -  
Лэрита" марнари".  
Манзь ханаџада:  
- Понарка' хоньдм'.  
Сидя Некав',  
Ѓамгэ вадам' мэць  
Тюкон' тосади'?  
Ѓарка' Харё' маси:  
- Небянд' пухуця'  
Сэвда воманю".  
Я' ханяю'  
Пыдар еканд  
Нем' хосаяб"  
Сава џэдакы?  
Нюдя' Харё' маси:  
- Тикы лахарюна"  
Пунарка мэб"цуна".  
Ѓари тедамбой  
Пин' хэхэрцядм'.  
Нюдя' Харё' тэта  
Тонлимда сера,  
Пин' нялкара.  
Ѓамгэ" ядэръида"  
Мале"мяхаданда,  
Манзь хана-  
џада:  
- Санэро'  
вэсако



Сидяңг": М.Яр' тадгавы"

Ѓоб" не нюда  
Таняраховонда.  
Санэрона" ян'  
Хэхэваб"нана,  
Вадам' нидм' мэт.  
Ѓарка' Харё' маси:  
- Санэро' вэсако  
Тюку яхад  
Яда хубта я'.  
Тадџо џэсьџо  
Маня" яханана"  
Не" тания"ним,  
Та' хун' ян  
Минзь ни тара".  
Тарцям' намда  
Нюдя тэта' Харё'  
Манзь ханаџада:  
- Ниб"нанда" харва",  
Техэ я' ед'  
Хар"н џо пяңгув.  
Хуна сяхаңгав  
Санэро не нюм'  
Ва"авни малан,  
Тюку мяни мю"  
Ѓабталаңгув.  
Хуняңы яля'

Пяри пяңгув.  
Небядо' пухуця  
Пыто' ньламна  
Ѓамзи" ямб' хыдыам'  
Ѓэдара"нидав.  
Ѓамгэ џавормамдо'  
Мале"мяхадандо',  
Няхар" некас"  
Пин' тарпыд".  
Нюдя тэта' Харё'  
Нярава ханамда  
Вадо' няю'  
Нюхуле"нидав.  
Ѓарти' хоба со",  
Со" пакле.  
Я' нямд' сян"  
Хананда латан  
Тэре токада.

(Пелямда џади"манда  
газетахана толара")

Омдэ Палёвич  
Ѓоктэтта вадемы.

Л. Окоэтто падарт  
падвы



## Хэбидя варк

(Ханзер" лаханава", тарем' падвы)

(Нердена пеляда 25, 26, 27, 28  
номеркана толара")

Нюдя ма:  
- Нисякэй", нер" небями  
масиню": нисяр сив ханм хада,  
тад чикад тоя.  
Нисяда ма:  
- Амгэм хадаңгудм? Тына"  
парнэя мал џав" нисядав.  
Тад мяканчи' хаяха'.

Небяда ма:  
- Нисянт ейңэ сидя сив ханм  
хада"!  
Тад сидя сив ханм хада.  
Небяда ма:  
- Чикы џамчит махай мал няни  
тан"! Мань парнэна" џаврадамта  
пиреңгудм.  
Тад чикы маха џамчи" мю яп-  
таку нивда паклейда.  
Амгэ ёльчңгана парнэ тэвы",

ма:  
- Папаков, сеня" сит хаеванту  
мальңгана џули" ярџадамч'.  
Няда ма:  
- Пуна лаханакоин, чедав  
џор"!  
Парнэ џолы". Нибясавэй  
џамчи етри џоръеда. Тад пудана  
џамсанта мунм џамчъ парнэя  
чи, тандая ха. Нибя" сёмта мал  
сидермэду.

Чикы пуд ненэча" џули" маид",  
пеиду пендере", ма" ним:  
- Ѓули" ханю"! Сидна" џамы  
џэңгусь.  
Тад чикад џавхыту тотрев  
илельяд".  
Лаханакоми валакада.

К.И.Лабанаускас' падвы.  
«Ямидхы" лаханаку"»  
книгахад ханавы.

# Навидота” навар” пиребцо



Сидяңг.: М.Яр' тадгавы”

**Нэрм’ тер” ненэцяңэ илевана” ямбан’ халям’ пэрүава”. Манья” наядад, пиревы, сэрабтавы, тырабтавы, сямдаравы халян’ торомбэва”. Выңгана илена”, харад’ илам’ минрена” мал’ нобпирсавна халяси” нидо’ пирас”.**

ңэдараңгун. Лабцёй хидя’ мю’ям’, сэрм’ хулцотан. Пуна ябцнабцам’ ядемдаңгун, юркана хамдаңгур. Халямд ян’ ябтараңгур, ядембада юрт’ мэңгур. Таддикахад халэт хоба” паравам’ ңатеңгун, няби хэван’ сюртеңгуд, тедаңгуд. Сырахав’ ютека”мана матормы, есь”мы ханюй халэ ңорцетыва”. – Раиса Константиновна ма.



Раиса Константиновна Карманова (Вануйта) навар пирембадаңэ манзаравым’ хонрамбидамзэ. Пыда Сёяха харад’ вымна мюсермы, теда’ Саляңгардахана иле, нылана, нюта ню вадаби.

- Ҙавнанда мань пиреңговам’ нули” мэневась. Ҙоб” ту’ хэвхана мэсетыдм’, ңадьбята пуна тарем’ манзара пэвэдм’ нидм’ ңа”. Нюдя ңэвани мальңгана ты”, тиртя” сармик”, ямгана илени” ңамзи, халэ, ңоди ңорцетыва”. Тольва” тарця” ңаводотаха”на панцеты. - Ненадовна халям’ сертабавам’ мэнесетыдм’. Ёртит ватавы сывъяд, нярцохона тэ”яд, ерьяд, едэдо’ ха”авран’, енар” манзаяда харта яңгу.

## Халяхад ңамгэм’ сертабасетыва”?

- Ҙодь” ид” хэва’ сер’ ватавы ңаябад халям’ ңамзетыва”. Сомбоковна хыраңгуд, мыдкадо’, юредо’ несэй хыдя’ мю’ мэңгуд, сэр” идм’ хулцотан. Сэр” ит’ палабтавы” нянзи’ мюня тэри хайнаңгу”! Хаёвы” пелдо’ сэрабтасетына”. Хыравы халэд мале сян яңорэйвана хидя’ мю’ мэңгуд, хусувэй яңорэймда сэв ңарка сэркана пудабтаңгур. Махалэйдо’, ңэвдо’, пирцикадо’ халя’ евэйңэ пиреңгуд. Пуна лыдо вэнекохо” митыд. Ҙобкарт хаюртадо’ яңгуда. Нюлармы” халя” таяяб”, ябцаңгуд. Нюрте”э хыраңгуд, хаця” идедо’

## Тиребясавэй леска

Халэ” паңохоно, тиребясавэй лески ябцабавы”. Мань сяхари’ ңани’ тарця лескам’ сертаван’, ңавота хор”ман харвадм’. Лаханако ня”мы няни тотрев’ тохо тасламбив:

- Ҙацекы ңэвани мальңгана хубтахана тиребясавэй лески ңорцетыва”. Тум’ маниенаңэ тарасетыдм’, мань ябцыбасетын. Нянзи’ мюня марнавадо’ тэри савараха ңэсеты. Ти, нянанд париденя я, тиребя, сэр”, и” тараңгу”. Лескар нюлак, паль” ңэбта серо”ңа. Нерня’ тирябянд нензо ха”авраңгун. Хидя’ мю’ пиревы хольмэй идм’ вабтаңгун, ит’ сэрабтаңгур. Тедахав’ сававна посаванда е”эмня содахана нядабасетыв. Ҙокдамда мят’ тер” сян, тарем’ тасламбаңгур. Пуна ям’ тикан’ хулцотан. Яр саць тоенабта ни тара”, хаця” нюлкарка ңэңгу. Тикы’ пуд тирябянд нядаңгун. Ҙобт’ хулцотыд. Ти, яля’ пеля тэри ңамдэда. Янда поса”махад пурм’ сертабава’ сер’ лескамд ябцабаңгур. Сидя хэванда нярмавам’ ңатеңгун.

## Халя’ сёнзя’ мюйхат ябцы леска

Пиреңгода не’ тамна ңопой харвабтана ңаврада тая – тикы халя леска:

- Мяканана” ңацекэңэ мале сянваць. Ханяңэхэ”на тад ңамгэхэван’ харбилабна”, лескам’ е”эмняна” сертасеты”, мюйда ңарханда халясавэй ңэсеты.



Небява” халя” ңока” ңэб”, пирци, вэя, мыд, сей ңобт’ ма”ласетыда. Пуна ябнабць’ хыдя’ мюня юркана пиреңгуда. Тикы’ пуд салмравы хамэдэда леска’ мю’ хамдаңгуда. Ниймда ңани’ лескахана синдаңгуда. Тикахавад янамбовна тута ту’ ниня ябцабаңгуда. Ҙули” ңаводоцеты. Луца’ илаңгана ңамзам’ няялпада’ мюмя ңэдарасетын, чеснокк’, лукм’, приправа нядасетыдм’. Нюни” няни манзету”ним: «Лескаб” ңамгэхэд сертасар, тарси” саваню”!» Вэй, ңаним’ тензибтедм’. Теда’ халяхат хуркари” салат сертабасетыдм’. Идюрця”, палкур” ңэсеты”. Халэни хыдя’ мю’ лэси” маторцетын. Перецм’, лукм’, чеснокк’, сэрм’ тикан’ нядасетыдм’. Пуна хаця” ңум’ юркана хулцоцетын. Выңгана мэб”нани сэркана, ңум’

юркана, тырабтавы ңамгэхэ”на мэсетын.

Раиса Константиновна’ ваде”мыда тарси” ңаводо”мы”, ңорман харбилана то”олхыв. Ҙопой”, тарця навар” маркана иленаңэ нянана” хонана” сабе’ ни ңа”. Тэмдахава ханяна” тэмда”, харе” мэнда ңадя’ тебтада яңганарха ңэңгу.

Газетава” толабадаңэ, хурка навар пирембасетыда” Ҙобтарем’ няна” ңаврата” пиребцо ваде”ңада”ма.

А.Яптикы’ падвы

Газета «Няръяна Нгэрм»	Главный редактор Яр Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 29 Подписано в печать 20.07.2023 г. Вышла в свет 22.07.2023 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708).			Тираж 3616 экз. Заказ № 0941 (тираж 1581 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнуныяца, д.1, каб. 106 Фактический адрес: 629007, Ямало-Ненецкий автономный округ, г. Салехард, ул. Чубынина, 39А	Цена годовой подписки 182 руб. В розницу не распространяется.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)			Заказ № 0941/1 (тираж 2035 экз.) отпечатан в АНО «Ямал-Медиа» 629309, ЯНАО, г.Новый Уренгой, ул. Северное кольцо, стр. 2/4). Газета выходит по субботам.	Адрес редакции: 629003, ЯНАО, г.Салехард, мкр. Богдана Кнуныяца, д1, каб. 106 тел. (349 22) 4-53-32, 3-08-69
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559				E-mail: nn@yamal-media.ru